

են նրանք եւ, որպէս օտար աղբիւր, առաջնակարգ արժէք են ներկայացնում :

Բողենշտէղտ ինքը, դեռ Յրեւանում եղած միջոցին, յանձին Արտվեանի տեսել ու ճանաչել է ուրեմն մեր ազգային-մշակութային վերածնութեան ռազմիրային: Ըստ ամենայնի՝ իրականութեան էլ համապատասխանում է նրա այն յատկանշումը, թէ հայոց (արեւելահայոց) նոր գրականութիւնը Արտվեանից է սկսում :

Միւս կողմից՝ Բողենշտէղտ վկայում է, որ Արտվեան գիտութեան մարդ է եղել, որ նա մշակած ու պատրաստած է ունեցել աշխարհարար հայերէնին վերաբերող ուսումնասիրութիւններ, դրանց թւում նաեւ՝ աշխարհաբարի բառարանը եւ քերականութիւնը:

Բողենշտէղտ վկայում է միեւնոյն ժամանակ այն յուսախարութեանց մասին, որոնց ենթարկում է Արտվեան, եւ որոնք ի վերջոյ խորտակում են հայ լուսաւորութեան առաքելի կեանքը:

Ոչ միայն եւ կամ, աւելի ճիշդը, ոչ այնչափ յետամնաց խաւար հայ իրականութիւնն է լինում, վերջին հաշուով, որ Արտվեանի անձնաւորութեան եւ նրա միջոցով հայ ազգային վերածնութեան առաջ անյաղթահարելի դժուարութիւններ է բարձրացնում սկզբից իսկ, այլ՝ Ռուսաստանի քաղաքականութիւնը հանդէպ մեր ժողովուրդի, ինչպէս նաեւ առհասարակ բոլոր հպատակ ժողովուրդների:

Այն աստիճան այլամերժ, դաժան է եղել այդ՝ ռուսացնող քաղաքականութիւնը, որ ոչ միայն հիմքում իսկ խեղդել է հայութեան քա-

ղաքական-ինքնավարական զարթոնքի բոլոր ազդակները, այլ եւ պատուարներ կանգնեցրել հայ լեզուի ու առհասարակ հայ մշակոյթի, հայ գիտութեան զարգացման առջեւ:

«Եթէ հայերը լուսաւորուել են ուզում, թո՛ղ ոռուերէն լեզուով կրթուին», — ահա ռուս զօրավարների գեկավարութեան յանձնուած «ժողովրդական կրթութեան» իրական պատկերը Ռուսաստանի հարիւրամեայ տիրապետութեան ընթացքում:

Մի մտայնութիւն, որից դժբախտաբար զերծ չեն եղել եւ չեն մասամբ այսօր իսկ, ռուս դիտական ու գրական շրջանակներ անգամ:

Արտվեանի կեանքից առաջ բերուած մի տեղեկութիւն եւս արժանի է մասնակի ուշադրութեան, — այն բացասական վերաբերմունքը, որ Արտվեանի հանդէպ ցուցահանում է, ըստ Բողենշտէղտի, զերման գիտնական Արիլսը:

Վերջերս Դորպատի գիտնականներից էր, բնագէտ: Նրա զբոլին ենք պարտական մենք Հայաստանի երկրաբանութեանը նուիրուած առաջնակարգ աշխատութիւններից մէկը: Ուրիշ առիթով, երբ անդրադառնալու լինինք ի թիւս զերման ուրիշ ճամբորդների նաեւ Արիլսի ուղեւորութեանը Հայաստան, թերեւս կարելի լինի պրպտումներ անել, Արիլս-Արտվեան յարաբերութեանց լուսաբանութիւնը տալու համար:

Գրեթէ ամբողջապէս ամփոփած լինելով այն բոլոր տեղեկութիւնները, որ Արտվեանի մասին մեզ հաղորդում է Բողենշտէղտ, այժմ անցնինք ուրիշ խնդիրների:

